

Miraris, si voce feras pacaverit Orpheus,
Cum pronas pecudes Gallica verba regant?

20

dentem. Obstupescis, si Orpheus demulserit feras voce sua, cum vox Gallica moderetur pecudes dicto velut audientes?

////////

conc. commoda multa trahunt Buslid. *multa sonora* Pal. Rott. Oisel. duo Med. *multisonora* conjiciebat Heins.—19 *vociferas* Rott. tres Med. *compescuit* Lov. *placaverit* Moret. pr.—20 *Callica* Oisel. *regunt* duo Vat. Florent. *negant* Moret. pr. m. pr.

NOTE

dam unanimitate consentientes ad unde Virgilius: 'Belgica vel molli
trabenda esseda, quæ sunt vehiculi melius feret esseda collo.'
Gallici genus. Esseda autem apud 19 Orpheus] De Orpheo alibi.
Belgas primo inventa esse traduntur,

LII.

2. DE SENE VERONENSI, QUI SUBURBIUM
NUNQUAM EGRESSUS EST.

FELIX, qui patriis ævum transegit in agris,
Ipsa domus puerum quem videt, ipsa senem:

Fortunatus ille, qui consumsit atatem suam in campo patrio: domus ipsa, quem

////////

Deerat hoc carmen in Med. pr. et Sched. Gud. Vat. pr. habet *Epigramma de Sene, qui juxta Veronam consistens nec civitatem norat, nec villam unquam egressus est.* in Var. LL. ed. Parm. legitur, *De Sene Veronensi, qui suburbium suum nunquam egressus est.* Bonon. Moret. pr. Ald. et ed. Parm. *de Senatore Veronensi* inscribunt. In vet. Gyr. et Exc. Lucens. pr. inscribitur, *DE SENATORE VERONENSI, QUI SUBURBIUM NUMQUAM EGRESSUS EST.* Put. Petav. pr. et sec. item Buslid. nullam agnoscunt Inscriptionem.

1 *patriis* duo Vatt. inc. Heins. duo Petav. Bonon. Ambr. tert. Moret. pr. Oxon. sec. Buslid. Cod. Epigr. Ambr. Exc. Pat. rec. Lucens. pr. Ald. Var. LL. e marg. Parm. et ed. Antv. vid. Vinet. not. ad Auson. Ludo 7. Sapient. 218. *propriis* Vat. pr. Oisel. *agris* Put. Petav. sec. Ambr. tert. Buslid. Cod. Epigr. Ambr. Exc. Lucens. pr. Ald. Var. LL. e marg. Parm. et ed. Antv.

NOTE

1 *Felix*] Sic Virgilius: 'Felix qui Is erat Arcadum pauperrimus, sed
potuit,' &c. Simile exemplum est ætate jam senior, terminos agelli sui
apud Valerium Maximum, ex quo, nunquam excesserat, parvuli ruris
Gygi Lydorum Regi ditissimo Oraculum 'Aglauum Sophidium prætulit.
fructibus contentus.'

Qui baculo nitens, in qua reptavit arena,
 Unius numerat sæcula longa casæ.
 Illum non vario traxit Fortuna tumultu, 5
 Nec bibit ignotas mobilis hospes aquas.
 Non freta mercator tremuit, non classica miles :
 Non rauci lites pertulit ille fori.
 Indocilis rerum, vicinæ nescius urbis,
 Aspectu fruitur liberiore poli. 10
 Frugibus alternis, non Consule, computat annum :
 Autumnum pomis, ver sibi flore notat.
 Idem condit ager Soles, idemque reducit :
 Metiturque suo rusticus orbe diem.
 Ingentem meminit parvo qui germine quercum, 15
 Æquævumque videt consenuisse nemus.

aspexit olim puerum, ipsa aspicit illum senem: qui innitens baculo, in agro in quo alias repsit, recenset tempora longa casæ unius. Fortuna non agitavit illum impedimentis diversis: neque ille peregrinator vagus hausit aquas incognitas. Non ille negotiator timuit mariu, non miles timuit tubas: non passus est lites fori clamosi. Ille imperitus negotiorum, ignorans urbem finitimam, perfruitur conspectu patentiore cali. Numerat annos per segetes alternas, non per consules; distinguit autumnum per poma, ver per flores. Idem campus recipit Solem cadentem, idem revocat orientem; et ipse agrestis definit diem suo orbe. Qui agrestis recordatur quercum proceram emersisse ex glande exigua, et aspicit

arvis tres Vatt. Oisel.—2 quæ videt Vat. quart.—3 graditur pro nitens Buslid. ipsu reptavit Vat. tert. Florent. reptabat Ald. Var. LL. e marg. Parm. habena Vat. sec.—4 Unius et numerat Buslid. [f. enumerat] numerat quatuor Vatt. Oisel. maculat Med. sec. unde cumulat tentabat Heins. singula pro sæcula Florent. semina Med. sec.—5 transit pro traxit duo Vatt. Florent. Put. Petav. sec. Buslid. Cod. Epigr. Ambr. Var. LL. ed. Antv.—6 Non bibit Buslid. mobilis Vat. pr. Med. sec. Exc. Pat. rec. nobilis tres Vatt. Florent. inc. Heins. Put. duo Petav. Bonon. Ambr. tert. Moret. pr. Oxon. sec. Cod. Epigr. Ambr.—7 Nec freta Ambr. pr. timuit quatuor Vatt. Oisel. Ambr. pr. tumuit inc. Heins. tremuit Petav. sec. Bonon. Ambr. tert. Oxon. sec. Cod. Epigr. Ambr. Exc. Pat. rec. Ald. Var. LL. e marg. Parm. nec classica Put. Med. sec.—8 taciti pro ranci Buslid. litem Vat. quart. lituos Vat. tert. m. pr. aure fori Med. sec.—11 annos Ald. Var. LL. e marg. Parm.—12 non pro ver Med. sec.—14 rusticus ore duo Vatt. Florent.—15 meminit Var. LL. e marg. Parm. metunt ed. Parm. gramine tres Vatt. Oisel. Lov. Oxon. sec. culmine Buslid. germine Vat. quart. vet. Gyr. Cod. Epigr. Ambr. Exc. Lucens. pr. Var. LL.

NOTE

4 *Sæcula longa casæ*] Numerat longas ætates, multos annos in una casa traductos.

5 *Tumultu*] Fortuna non illum agitavit variis curis, impedimentis, et solitudinibus tumultuosis: sed il-

lum suus ager occupat, felicemque reddit. Horatius: 'Beatus ille, qui procul negotiis Paterna rura bobus exerceat suis.'

13 *Idem condit ager Soles*] Ex eodem agro videt Solem occidentem et

Proxima cui nigris Verona remotior Indis,
 Benacumque putat littora rubra lacum.
 Sed tamen indomitæ vires, firmisque lacertis
 Ætas robustum tertia cernit avum.
 Erret, et extremos alter scrutetur Hiberos.
 Plus habet hic vitæ, plus habet ille viæ.

20

sylvam æqualem sibi consenuisse. Cui agresti Verona vicina est longior Indis coloratis, et existimat lacum Benacum esse mare rubrum. Attamen robur est illi invictum, et sæculum tertium videt armum illum vigentem brachiis validis. Alius peregrinetur et rimetur Hispanos ultimos: hic peregrinator plus habet viæ, ille senex Veronensis plus habet vitæ melioris.

ed. Antv.—16 *Æquerum* meminit inc. Heins.—17 *cum nigris* Med. sec. Moret. pr. *undis* pro *Indis* Vat. tert. Florent. Cod. Epigr. Ambr.—18 *Benacumque* tres Vatt. *Venatumque* Florent. Med. sec. inc. Heins. Buslid. *Benarum...latum* Var. LL. ed. Antv. *rura* pro *rubra* Vat. pr.—19 *Si tamen* Med. sec. *Sic* conjiciebat Heinsius. *suntisque* pro *firmisque* Ambr. tert. *summisque* Vat. sec. Pnt. Petav. sec. Var. LL. ed. Antv.—20 *Ætas lacertum* Florent.—21 *et extremos* Var. LL. e marg. Parm. *ut extremos* ed. Parm.

NOTÆ

orientem.

14 *Metiturque*] Definit diem suo orbe, seu non alium novit diem, nisi qui in suo orbe lucet.

16 *Æquarum*] Sylvam suæ ætati æqualem.

17 *Verona remotior*] Qui non magis cogitat de Verona, quam si æque remota esset, ac Indi. Verona autem ad fluvium Athesin, vulgo *l'Adese*, vel *l'Adige*, est urbs Venetiæ a Gal-
 lis condita in Italia, olim dicta *Brenona*, quasi a Brenno Gallo condita: 'Fruitur cælo saluberrimo, et agro fertilissimo.' Munsterus. Scaligeros Principes doctissimos tulisse prædicatur.

18 *Benacum*] Non magis etiam cogitat de lacu Benaco, quam si æque distaret ac mare Erythræum, seu rubrum. Lacus Benacus, quem Mincius flu-

vius Virgilio celebratus transit, dicitur hodie, *Lago di Garda*: et abundat piscibus, ac præsertim carpiionibus optimis.

20 *Ætas tertia*] Tertium sæculum. Sed sæculum minus intelligi puto, quod, ex Plutarcho, spatium triginta annorum continet. Sic Nestor explevit tria sæcula vivendo: et Ovidius Siliusque Italicus meo judicio hyperbolicè loquuntur, dum ille de Nestore hæc cecinit: 'annos Vixi bis centum, nunc tertia vivitur ætas:' hic vero de Argonthonio Tartessiorum Rege: 'Ter denos decies emensus belliger annos.' Quanquam, si Gaguino, et aliis Historicis fides, Joannes, ut vocant, *de temporibus*, Caroli Magni armiger, trecentos et sexaginta vitæ annos expleverit.